

而可取唯請尸羅於梵苑如真天橫屋堅固之機在  
之有也雖大戒蓋玄門之地無地何以持教有地不  
之對始持不生雖地不實心人必不實則謂之則地  
亦不可說由是觀之蓋自海東來之有本不為謂者  
余聞其國上足思歸師者東征傳具述其始末比其  
言而為之則其國勢亦可知矣山入之轉離亦歸之自  
時亦漸深矣其國之民士三男其人心向於佛心  
身於之德其國之民而於其國亦未嘗不歸於佛心  
其國者亦可知矣其國之民而於其國亦未嘗不歸於佛心  
其國者亦可知矣其國之民而於其國亦未嘗不歸於佛心

天台南山無動寺建立和尚傳

和尚諱相應俗姓櫟井氏近江國淺井郡人也其先  
孝德天皇第一皇子天帶後國押人命之苗裔也父  
其天性寬仁為物有愛雖實為野老鄉里之所敬  
深歎無子常祈佛天淳和帝天長八年母夢吞劍覺  
後以夢語其父父良久思惟語妻曰汝必娠而所生  
子必男子其父中心感悅以恃之妻未幾懷妊遂誕  
生產之日瑞雲聳於屋上香氣薰室內近隣老若視  
聽之者莫不驚怪讚嘆嬰稚之時其母哺乳味吐不  
嘗之數歲之後口癖酒肉葷腥之類父母甚異之而

不供魚鳥之膳拾芥菜之類供以別器不令雜亂他器其爲人好懷僧侶不親俗人仁明天皇承和十二年隨鎮操大德登台山于時年十有五歲也十有七歲剃髮受十善戒受學經教之次至法華經常不輕菩薩品發大菩提心信心銘心肝欲修不輕之行而被障事師之役不果乃懷之願駟役之隙每日折花奉中堂于時慈覺大師御房近在中堂之北方大師常覽和尚之奉花異之每朝窺之六七箇年內無一日退闕文德天皇齊衡元年於中堂大師語和尚曰年來見汝每日供花信心堅固誰能如此我今欲令

度汝其翌朝大師召和尚告其師上人許有每日奉華中堂沙弥今令度之於意如何師并踊感喜奉名簿未經幾日已給度者和尚其夜參中堂傍有五躰投地而淚滿袖祈請受戒者和尚叅御房曰所給度者先給篤信勞心甚九彼懇望成就則弟子之願自足于時大師大感其先人後已之情不奪謙退辭讓之志語諸弟子曰我聞有陰德者必有陽報此沙弥後日必遇嘉運欵其夜和尚夢樂師如來告言汝已未度而先度人是故我摩頂豈有何思哉同三年西三條大納言良相卿被贈度者狀於大師其辭云賜

修行謹慎之者代身令度依彼擔護之力將為息災  
之謀者于時大師披狀即時召和尚曰自藤大納言  
被給度者兼亦有代身令度謹厚之者將為一生之  
師之趣是汝良緣之相應也仍号汝將名相應是一  
字取彼大納言良相字而已汝去年若無辯人之德  
豈今日遇當仁之運哉君子已欲達先達人信哉斯  
言矣即附回李被奉名簿其年受戒于時二十有五  
歲也得度之後誓限一十有二年籠山同八年之比  
大師授不動明王法并別尊儀軌護摩法等授竟称  
歎曰業是瀉瓶性水滿而不溢觀如懸鏡根塵拂面

弥清日域頭現存之不動觀岳留生身之明王也和  
尚欲避憤鬧之處以居幽閑之地蒙醫王之示現占  
觀嶺之南岫聊構草庵苦修鍊行三年之間行六時  
為鎮護天下國土四季轉讀般若為消滅自他罪障  
從十二月一日迄三日三箇夜修佛名懺悔如此展  
轉之間不遂彼不輕行籠山之後經若干年文德天  
皇天安二年西三條女御嬰重病殆及死門右大臣  
頻馳書信丁寧被請和尚慈覺大師曰八福田中者  
病第一結緣之內師檀尤深件閣下身代令度上人  
一深憑祈念之力當此急難称守本願不趣彼請一

違利生之意一背知恩之旨早可參下矣大師命難  
不竟一十二年參於彼殿山山寺寺名僧有智有驗  
僧綱凡僧滿堂溢席側肩促膝和尚不整衣裳只着  
麁布皆見裝儀之麁簡各懷下劣之思惟和尚謙下  
不上殿中遙坐廂簷而誦咒未幾咒縛其靈彼此雷  
同未知誰驗輒而擲出自几帳上過度於衆人之中  
如飛到於和尚之前躡躡昇降高聲叫喚和尚宣行  
可還本處由亦如飛還於帳裏數尅之後其聲漸下  
所着靈氣陳屈伏之詞種種雜語不可勝計大臣感  
激歡喜云我師斯在豈有何思哉滿堂緇素瞿然皆

瞻和尚是則顯驗之最初也清和天皇貞觀元年巳  
卯發大願限三箇年絕粒食蕨類安居於比羅山  
西阿都河之瀧祈請智慧夢普賢菩薩告言得一分  
智慧種子自今後雖不苦學悟聖教之旨同三年辛  
巳天下勅請和尚勅命難背未滿三年參入內裏  
勅令行阿比舍之法誦咒未及十遍之間咒縛於二  
人童子和尚問云何物哉答云我是松尾明神也于  
時天皇近出御其所令堀河左大臣問戲情所疑事  
明決數事尤有徵其後典侍藤子出來問他夏明神  
不答依戲罵云不知所問若是狐狸欲少時俄得頭

病出罷私宅歷四日卒是時有勅賜度者御衣等和尚固辭以謙退不當其賞同年西三條女御復有愜大臣請和尚令加持不幾而平復大臣弥感奉巴子國劔刃間以金鏤銘不動明王呪佛慈護明此劔者入唐三品親王有志自大唐被贈大臣爲希有之寶爲殊勝之家寶雖然右大臣感和尚之驗德所奉施也先于是元師法花堂僧鎮操縱容語云吾沈三昧之堂無果一階之業上人旣閑呪驗之德適爲大臣之師當此際會欲被任定心院之供僧若遂此本望者吾與上人非但當時光華可流後代之名譽努努

自受矣和尚自聞此言深銘丹府以事次陳女御女御被申嚴問右大臣嚴問答云不果一階之者難任諸院供僧況至于定心院是天台最重之處也我力難及須被奏者女御差舍弟右大將令奏內裏先于是寺家以佗名僧可被補定心院十禪師闕之狀言上了公家預定依請之由但未成官符而間所被奏也仍抑留寺家解文僧忽以鎮操補任彼院十禪師大師驚感鳴舌叩頭山僧侶皆稱希有同四年登金峯山三箇年安居湛譽院主同登各占東西之岫聊搆草菴迺送使者試其呪驗湛譽使者到於和尚

庵付香火和尚使者到於湛譽之庵付香火互各相  
使日日如此朗善大德與和尚共同行夜出於庵未  
幾有大叫喚之聲和尚走出見之朗善橫喫出舌躡  
地將死和尚大驚揮劍加持三時計纔以蘓生漸々  
蘓息語爲鬼被打已入死門若非和尚加持之助豈  
得再生之便哉其後朗善伏從安居之間夢有三  
童子來告云吾是金剛童子也依上人師圓仁和尚  
命所來也而上人威勢未及使我仍暫飯却後日將  
來努勞覺後弥致激勵安居已飯於本山其年秋皇  
帝有齒痛不豫差勅使藤原繁相請和尚參內加持

勅詔此齒之痛片時難堪早以咒落之朕願足矣和  
尚尅念勅旨致精誠誦呪皇帝豫通宵安寢五更之  
曉和尚誦理趣經皇帝眠覺之後勅曰朕夢見着袈  
袈裝之高僧八人俱來褰帳卷簾隨上人聲相共加  
持覺後所患之齒不覺自落而不知其所在上人驗  
德之徵也和尚奏云此曉有奉誦理趣般若此有八  
大菩薩是則八十俱胝菩薩之上首也若彼八大菩  
薩奉護聖躬故天皇感嘆弥深明朝和尚退朝還坊  
見經函上有一齒和尚持一侍中以齒令見侍中捧  
齒奉於大內奏之皇帝稱嘆曰是非凡夫可謂聖人

賞以僧綱之職位兼賜度者和尚固謙退不當其賞  
天皇好其雅意不奪其志同五年奉造等身不動明  
王像而曰佛工未必得其人相好頗不端嚴欲取佗  
材改造夢明王告云不可更用佗材吾賜好工須令  
修造其後不期之外得佛工仁筭依夢想即令造修  
初像相好圓滿靈驗日新同七年造立佛堂安置此  
明王於中臺為一伽藍號無動寺同年深殿皇后被  
惱天狐經數月諸寺有驗之僧無敢能降之者天狐  
放言云自非三世諸佛出現者誰敢降我亦知我名  
和尚依召參入兩三日候無有其驗還於本山對明

王啓白事由愁恨祈禱明王像背而向西和尚隨坐  
西明王復背而向東和尚隨復坐東明王背而如初  
向南和尚亦坐南流淚彈指稽首白言相應從奉事  
明王更無佗念而今有何犯過相背如此乞願垂悲  
愍幸告示胡跪合掌奉念明王之本誓合眼之間非  
夢非覺明王告曰我依一時之後生生加護之本誓  
難應汝恨祈仍有相背我今說本緣昔紀僧正紀氏  
之子真濟世存生之日持我明咒而今以邪執故墮  
号紀僧正也天狐道着惱皇后為守本誓護彼天狐是以我咒不  
縛彼天狐也今汝到宮中密告天狐言非汝是紀僧

正後身柳本天狐哉後低頭之頃以大威德呪加持  
將得結縛我伏邪執爲令趣佛道告斯事耳和尚驚  
寤之後不堪感激頭面接足頂拜數十後日依召參  
彼宮仰意行事一如明王教喻之旨應時結縛天狐  
屈指陳自今以後不可復來之由少時解脫其後皇  
后不有御惱此尊靈驗宛如生身同年三條右大臣  
被施入備前國塩庄一處和尚不留私道場轉施延  
曆寺同年七月準大唐南嶽天台兩大師之例可賜  
故師圓仁之謚號之狀上表奏聞早達天聽但朝議  
云圓仁之師最澄未賜此號師資之道已有次序何

遺其師獨褒弟子哉和尚復奏云件最澄圓仁各赴  
西唐之域俱傳東流之法弘法之功敢無勝劣聞香  
求根汲流尋源若降一時之恩光被賜兩師之尊名  
末弟之望涯分足於于此同月十四日同時被下賜  
傳教慈覺兩大師之謚號宣命勅使少納言良峯經  
世卿也本朝賜大師之號始于斯和尚若無申請教  
授之謚號誰有褒顯祖師之尊號哉陽成天皇元慶  
五年辛丑依有示現奉鑄一搩手半金銅毘盧遮那  
佛像不動尊像各一軀同年鑄洪鐘同六年壬寅依  
堀河大政大臣奏下官符以無動寺爲天台別院同



年和尚上表奏聞申置中堂長講師并常行堂堂童子等料度者各一人其年始得度中堂長講基延法師常行堂堂童子基命法師也同七年春參於御社轉讀理趣般若經夢大菩薩告曰為報上人法施吾將与庄一處不經幾日西三條女御施入當國滋賀郡倭庄為防和尚排却之情祢有宿願之志奉於常住明王之由其年造立常行堂先是常行堂在於虛空藏尾和尚承大師遺命改造之申女御令施入幡蓋寶物資財田園等目錄在同年和尚為顯明王三摩形三年內加持斷鐵令治工齋慎一七日令造寶

寶劍降之夜夢見此劍可貫非想非非想天其劍為躰霜刃凝於夏日之晴虹勢曜於冬天之空揮一尺之刃可降三障之魔每有加持之用未嘗不顯靈驗光孝天皇仁和元年乙巳六條皇后有御藥事依召參於御加持三箇日不動居處永忘眠食四日之曉皇后舉音叫喚屈身宛轉御殿大震殆欲顛倒此間靈狐現形出自几帳乾角東西南北徃反迷走於于此大政大臣并諸人恐懼戰慄五情失却和尚誦解脫呪震動止迷狐纔出皇后御惱平復有勅賜度者被物等同三年丁未於大宮御社前造立率都婆一

基納法華經一部又造立華臺大菩薩寶殿一宇又  
先年玄譽阿闍梨以價直錢三十貫買得達磨和尚  
行相奉彼飛鉢宇多天皇寬平元年己酉爲守大師  
願命華芳御廟前造立率都婆一基奉納法華經一  
部同二年天皇有御齒不豫事差勅使左近衛中將  
源令并侍中四人請和尚應請與勅使俱下山和尚  
生來不乘車馬仍自坂本先勅使馳參內裏和尚步  
行到外記陣欲直參入陣官稱無宣旨不入和尚忽  
飯却事通天聽其責在勅使遲參中將走出尋問和  
尚旣飯中將揚鞭駿馬如逐電追到於清和院邊及

之屈折腰身詞請參入於此和尚與中將俱徒步  
參內裏有別勅宿住職御曹司出入自外記陣不經  
幾日御齒平愈皇帝別立一床令坐固辭不坐授以  
法橋之職位賜以數多度者辭退職位亦給度者又  
配內供奉并賜御衣和尚皆以固辭堀河左大臣諫  
云朝賞頻加一度不受論之政途似背皇命雖辭職  
位可受內供奉預內供并御衣雖然御衣不觸身供  
無入寺內轉施東西兩塔四三昧之僧侶同年法宿  
大菩薩託宣云如小比叡靈殿爲我可造靈殿不經  
幾日造立同四年壬子供養舍利會職衆并奉供瓶

華四口醍醐天皇昌泰三年庚申繕寫大般若經一  
部開講供養之後一一頂拜請僧延喜三年癸亥玄  
照律師久沈重病殆臨死門堀河左大臣請和尚於  
彼律師房七箇日令修不動法經六箇日之日中時  
壇中猛火上大日如來不動明王相並顯現和尚與  
律師俱奉見自餘人所不見律師感歎揮淚而言予  
蒙和尚修法之驗德奉見如來顯現之尊儀既知出  
自死門適得再生者也可謂枯骨更肉朽木再花之  
時矣予雖不敏豈敢忘德哉其年皇帝玉躰不豫有  
勅於仁壽殿大壇護摩兩壇阿闍梨一身兼修未竟

早以平愈有勅賜度者二人御衣數襲同三年五條  
女御當御產月屢惱邪氣堀河左大臣請和尚修不  
動法御產平安皇子御誕生是則儲君宮也有勅賜  
度者二人重有別勅七箇日候於東宮其後還本山  
調供八月不斷念佛之壇供并供粮念佛僧侶兼供  
滿山之僧自今以來念佛一夜壇供無動寺備供至  
于今不斷同十年庚午為引攝六道衆生奉造阿彌  
陀佛并六觀音又為鎮護天下國土奉造半出五大  
尊并般若菩薩像又書寫三千佛名經一部是建立  
艸菴獨企修行之時始從十二月一日迄三日夜

為一切衆生滅罪生善薦福修佛名懺悔每年無闕  
一夜必盡三卷導師每唱一佛名和尚禮拜必三度  
算其成數九千禮也縱得烏獲氣力此非凡夫之  
所堪矣爰知聖人所作在言談之外今年書寫佛名  
經為允此用也造佛寫經之間候於東宮奉仕御修  
法夢二人男子生自左右脇其貌端正一名竹林一  
名鶴林矣寤後語占夢人夏陽奉行申言若師有造  
寫佛經事欵若余依無毫平等功德力現世菩提悉  
地可成就夫竹林者現世長生之相也鶴林者涅槃  
常住之相也及九十之比取滅度可往生淨土之徵

也同十一年辛未自歎云我牽引公私之緣常破却  
禪定之觀而今齡盈八十春念無常之理急於出入  
之息今須七八年間固闔山門住於寂靜作淨土因  
矣從其年秋排却萬事永籠一室不赴公私之請  
奉念本尊并諸佛三時念誦之際讀理趣般若法華  
經等除食頃之外復無他攀緣同十四年甲戌造寫  
佛經閱題供養導師令祐阿闍梨呪願玄照律師自  
餘法用依繁不載同十五年乙亥對本尊前祈念可  
示後生之處之由夢明王捧和尚令坐須弥山頂盤  
石上令見十方淨土都率極樂如見掌中即告曰隨

願求而可往生覺後感嘆淚沾衣其後係念於都率  
內院復夢到都率外院時慈慶大德坐內院乘紫磨  
金色師子忽看和尚出來告曰我依讀誦法華一乘  
之力既生內院早還本山一心一向可轉讀法華經  
其後專致精誠轉讀誦法華經同年枇杷大納言奉  
造等身明王造立三間佛堂付無動寺今大堂是也  
同十八年戊寅十月對本尊右膝著地慇懃啓白涕  
泣愁嘆異尋常譬如人別父母赴遠國時踟躕迴顧  
辭謝之後復無參拜十一月二日稱佛堂猶近之由  
更遷遠離之屋号十院燒香散花向西方唱弥陀名號

容貞嚴於尋常音聲雅於他日翌日三日夜半時右  
脇而卧入滅于時瑞雲聳峰香氣滿寺山上僧侶京  
下卿士聞者悲泣如喪考妣于時八十有八歲也此  
日大津男女聞叡南之方有音樂之聲驚恠出見之  
峯上有非雲非烟之氣雖懷奇異之想未知其何徵  
後日聞和尚寂滅悲泣曰一昨日叡岳伎樂之聲祥  
烟之氣蓋此無動寺和尚往生淨土之相也  
和尚始自登山日至于入滅未嘗醋醢油蘇之味陳  
冕經宿之物無服女人裁縫之衣不着桑絲蠶綿之  
類不著革履不乘牛馬食飯粥於同時定澡浴於其

時行步之時無橫眼而見左右睡眠處無偃身而伸  
手足一生間過中不食齋後之隙常作桐鞞刀之與鞞也與  
於道俗謂諸弟子曰鞞者明王印契相也我開示一  
切衆生之智劍欲令悟入內心菩提之實理仍常行  
此事生前所度者一百三十一人受法者十有六人  
蒙印信者五六人而已至如彼已盈八十之齡始期  
八年觀念未至死日之期更遷於遠離之別屋可謂  
能知壽命之限安住正念待終之者也况復遠津之  
人暗驚音樂之聲滿寺之僧皆聞薰異香之芳此豈  
非於上品生之人得佛菩薩之迎乘金剛臺往生極

樂哉誠弟子曰檢持寺家不論上臘下臘但常住人  
可執當以他住人不可令領知若我門徒衆盡畢之  
後大師門徒之中以道心精進人令領掌又法文等  
若有自用人者入借書用之要用即可返納不得散  
失矣又至所司之職者隨臘次任之但爲其人被衆  
責者若住寺內有不順衆不入堂者早寃衆斷若有  
衆中申懺悔者將免之矣

右相應和尚傳以東叡山普門院本書字